

ZOZUA ETA BELEA.

Sasi tarte batian
 Zozua kantari
 Ari zala belea
 Zitzayon etorri;
 —Ori da berriketa
 Daukazuna, ori;—
 Ziyon beletzar arrek
 Esan zozuari.
 —Ni berritsua banaiz
 zu berriz lapurra,
 Lapurretan gozatu
 Oi dezu zintzurra;
 Zozua naiz ta ez det
 Esaten gezurra,
 Gaitz-egilliak oi du
 Berekin bildurra,
 Bizkar gañeratuko
 Zaiyola egurra.
 —¿Ni lapurra naizela
 Esan, ta nik utzi?
 Belea zér dan, bear
 Dizut erakutsi;
 Aundiyagua naiz ta
 Ni naiz gaur nagusi,
 Oso galdu zerala
 Bear dezu etsi,
 Ez dirazu egingo

Nolanai igesi.—
 Zozuak diyo—ez det
 Ukatuko itzik,
 Bada egiyak ez du
 Iñorako gaitzik;
 Ez dizut bada esan
 Gezurrezko gauzik,
 Itz bat bakarrik ez da
 Dagueunik utsik,
 Zure aurrean ez det
 Esateko lotsik.—
 Aserratu zitzayon
 Belea gogotik
 Eta nai ziyon eidu
 Gogorki lepotik;
 Bañan zozorik etzan
 Mugitzen zokotik,
 Eta nairikan sartu
 Beletzarrak goitik,
 Zintzillik gelditu zan
 Elbarri egotik.

.

Licharkeriz dabillen
 Gizonari ere,
 Etzaiyo etorri oi
 Gauz onik beñere.

